



Халқ сўзи

1991 йил 1 январдан чиқа бошлаган

WWW.XS.UZ

E-mail: Info@xs.uz

2018 йил 22 май, № 103 (7061)

Сешанба

Сайтимизга ўтиш учун QR-кодни телефонингиз орқали сканер қилинг.



ХАЛҚИМИЗНИНГ ЭРТАНГИ КУНГА ИШОНЧИ, ЯХШИ ЯШАШГА ИНТИЛИШИ ВА ИШТИЁҚИ ОРТМОҚДА



Ўзбекистон Республикаси Президенти Шавкат Мирзиёев жойларда амалга оширилаётган бунёдкорлик ва ободонлаштириш ишлари, ижтимоий-иқтисодий ислохотларнинг бориши, йирик лойиҳалар билан яқиндан танишиш, халқ билан мулоқот қилиш мақсадида 19-20 май кунлари Андижон вилоятида бўлди.

Президентимиз 2017 йил 2-3 июнь кунлари вилоятга ташрифи чоғида ижтимоий-иқтисодий ривожланиш жараёни билан танишар экан, бир қатор истиқболли лойиҳаларни амалга ошириш юзасидан топшириқлар берган эди. Ўтган вақт мобайнида ана шу йўналишда салмоқли ишлар амалга оширилди.

Ўтган йилги ташрифдан сўнг ишлаб чиқилган 2017-2018 йилларга мўлжалланган дастурга мувофиқ, вилоятда 2017 йилда умумий қиймати 1,5 триллион сўм бўлган 3 мингдан зиёд лойиҳа амалга оширилди. Бунинг натижасида иқтисодий-ижтимоий соҳаларда сезиларли ўсишга эришилди. Мухими, одамларнинг эртанги кунга ишончи мустаҳкамланиб, яхши яшашга интилиш ва иштиёқи ортди. Бу юртимизда амалга оширилаётган ислохотларнинг муҳим самарасидир.

Давлатимиз раҳбарининг Андижонга бу галги сафари давомида аввалги ташриф асосида берилган топшириқлар ижросига алоҳида эътибор қаратилди. Шунингдек, вилоятни янада ривожлантиришга қаратилган йирик лойиҳалар ижросининг бориши, аҳолининг талаб-эҳтиёжи билан беvosита танишиш ва бу борадаги келгуси режаларни белгилаш диққат марказида бўлди.

Президентимиз ўтган йили Андижон

тумани Хакан қишлоғида “Milana textile” масъулияти чекланган жамиятининг трикотаж маҳсулотлари ишлаб чиқариш корхонасини ташкил этиш лойиҳаси билан танишган эди.

Давлатимиз раҳбарининг 2017 йил 23 февралдаги “Тадбиркорларнинг ишлаб чиқариш майдонларидан фойдаланишларини янада рағбатлантириш чора-тадбирлари тўғрисида”ги қарори асосида 9 миллиард сўм инвестиция киритиш, 200 янги иш ўрни яратиш шарти билан корхонага Хакан қишлоғида бир гектар ер майдони ва фойдаланилмай турган бино “ноль” қийматда берилди.

Корхона “Алоқабанк” вилоят филиалидан олинган 2 миллиард сўм кредит ҳамда 7 миллиард сўм ўз маблағи ҳисобидан уч қаватли бино қуриб, замонавий жиҳозлади. Хориждан келтирилган тикув дастгоҳлари ишлаб чиқариш ҳажмини ошириш ва маҳсулот сифатини яхшилашга хизмат қилмоқда.

Бу ерда аёллар ва болалар учун ишлаб чиқарилаётган 20 дан ортиқ турдаги трикотаж маҳсулотларининг асосий қисmini экспорт қилиш режалаштирилган. Энг муҳими, фабрика ишга туширилиши билан тумандаги 200 нафардан ортиқ хотин-қиз доимий иш ўрнига эга бўлди.

Шу ерда “Ҳар бир оила — тадбиркор”

дастурининг Андижон вилояти мисолидаги концепцияси намоиш қилинди. Ушбу дастур меҳнат билан банд бўлмаган аҳолини тадбиркорлик, хунармандлик, фермерлик, касаначиликка ўргатиш орқали уларга даромад манбаи яратиб беришга қаратилган.

— Андижонда аҳоли зич жойлашган. Бир-иккита завод бир фойз аҳолиниям иш билан таъминлай олмайди. Бу ерда одамларни фақат тадбиркорлик, хунармандлик орқали боқиш мумкин. Хонадонларга маблағ ва зарур ускуналар бериб, иш юритишни ўргатсак, одамлар ўзини ўзи боқади. Оиласини озиқ-овқат, кийим-кечак ва бошқа зарур маҳсулотлар билан таъминлашга қийналмайди. Сарфлаган пулимиз бир йилдан кейин икки ҳисса бўлиб қайтади. Одамларни қўллаб-қувватлаш, тадбиркорликка ўргатишнинг иқтисодий механизми мана шундай бўлиши керак, — деди Шавкат Мирзиёев.

Президентимиз Андижон вилоятига ўтган йилги ташрифи чоғида дори-дармон ишлаб чиқариш лойиҳаларини амалга ошириш бўйича ҳам топшириқлар берган эди. Ушбу кўрсатмалар ижросини таъминлаш мақсадида Андижон туманидаги “Zamin Bio Health” масъулияти чекланган жамияти инсулин дори воситаси ишлаб чиқариш корхонасини барпо этди.

Тумanning Хартум қишлоғида жойлашган бу завод Марказий Осиёда ягона бўлиб, йилига 10 миллион флакон дори воситаси ишлаб чиқариш қувватига эга.

Шу пайтгача инсулин юртимизга четдан келтирилган. Заводнинг ишга туширилиши билан ушбу дори воситаси импорти ҳажми камайди, валюта тежалади, қолаверса, нарх пасаяди. Масалан, ҳозирги пайтда бир флакон инсулиннинг бозор нархи 36 минг сўм бўлса, мазкур корхона бу дорини 20 минг сўмдан етказиб бериши мумкин.

Лойиҳа қиймати қарийб 28 миллиард сўм бўлган заводга Германия, Франция, Швейцария, Хитой, Ҳиндистондан замонавий ускуна ва технологиялар келтириб ўрнатилди.

— Бу жуда долзарб ижтимоий аҳамиятга эга лойиҳа, — деди Шавкат Мирзиёев завод мутасаддилари билан мулоқотда. — Инсулинга эҳтиёжи бор бемор дори тополмаса, ҳаёти хавф остида қолади, чорасини кўрмаган, деб биздан норози бўлади.

Президентимиз маҳаллий ишлаб чиқарувчилар бозорга кириб, рақобатбардош бўлгунча уларни давлат томонидан қўллаб-қувватлаш, дори субстанцияларини рўйхатдан ўтказишда қўмаклашиш бўйича топшириқлар берди.

Шу ерда “Zamin Bio Health” масъулияти чекланган жамиятида кукунли антибиотик ишлаб чиқариш, вилоятда фармацевтика саноатини ривожлантиришга оид бошқа лойиҳалар тақдими бўлиб ўтди.

19 май кун Андижон туманидаги “Andijan Silk.Co” Ўзбекистон — Хитой қўшма корхонаси пиллани қайта ишлаб, ундан тайёр маҳсулот ишлаб чиқариш бўйича йирик мажмуани ишга туширди. Президентимиз корхона фаолиятига старт берувчи рамзий тугмани босди. Бу ерда амалга оширилган ишларни кўздан кечирди.

Давлатимиз раҳбарининг 2017 йил 29 мартдаги қарори асосида ташкил этилган “Ўзбекипаксаноат” уюшмаси томонидан бугунги кунда тармоқни жадал ривожлантириш, соҳага инновацион технологияларни жалб этиш, ипак қуртини янгилаш усулда парваришлаш, хорижий давлатларнинг илгор тажрибасини ўрганиш орқали пилла сифати ва микродорини ошириш, аёллар ва ёшларни доимий иш билан таъминлашга алоҳида эътибор қаратилмоқда.

“Andijan Silk.Co” қўшма корхонасининг қурилиш ишларига 5 миллиард сўм маблағ сарфланди. Пиллани қайта ишлашни ташкил этиш учун 2 миллион 100 минг доллар эвазига Хитойда ишлаб чиқарилган ип йигирув ва тикув машиналари келтириб ўрнатилди. Натижада 150 киши доимий иш ўрнига эга бўлди. Жорий йил охиригача ишчилар сони 300 тага етказилади.

Корхона тўлиқ қувват билан ишлай бошлаган, йилига 300 тонна пилла қайта ишланади. 2018 йилнинг ўзида 5,1 миллион долларлик тайёр маҳсулот экспорт қилиш имконияти яратилди.


— Бутун дунёда сифатли ипак матоларга талаб катта. Бундан йилга уч марта даромад ола билади. Демак, пиллачиларни ривожлантириш, кўпроқ барг берадиган тут плантацияларини кўпайтириш керак, — деди давлатимиз раҳбари.

Шу ерда трикотаж, чарм-пойабзал, қурилиш материаллари, калава ип ва газлама ишлаб чиқаришга мўлжалланган лойиҳалар тақдими ўтказилди.

(Давоми 2-бетда).



**Ўзбекистон Республикаси Президенти
Матбуот хизмати сурати.**



ЎЗБЕКИСТОН РЕСПУБЛИКАСИ ВА РОССИЯ ФЕДЕРАЦИЯСИ ПРЕЗИДЕНТЛАРИНИНГ ТЕЛЕФОН ОРҚАЛИ МУЛОҚОТИ ТЎҒРИСИДА

Ўзбекистон Республикаси Президенти Шавкат Мирзиёев 21 май кун Россия Федерацияси Президенти Владимир Путин билан телефон орқали мулоқот қилди.

Мулоқот аввалида давлатимиз раҳбари Владимир Путинни Россия Федерацияси Президенти лавозимига киришгани билан яна бир бор самимий табриклади ва фаолиятида катта муваффақиятлар тилади.

Ўзбекистон ва Россия ўртасида дўстлик, стратегик шериклик ва иттифоқчилик муносабатлари жадал ривожланаётгани ва изчил мустаҳкамланиб бораётгани, шунингдек, ўзаро манфаатли ва кўп қиррали ҳамкорликда эришилган юқори натижалар чуқур мамнуният билан алоҳида қайд этилди.

Мулоқот давомида давлат раҳбарлари Россия Федерацияси Президентининг Ўзбекистон Республикасига давлат ташрифига тайёргарлик доирасидаги долзарб масалаларни муҳокама қилдилар.

Савдо-иқтисодий ва инвестиция соҳаларида, жумладан, Иқтисодий ҳамкорлик бўйича ҳукуматларга қўшма комиссия фаолияти доирасида аввал эришилган келишувлар ва имзоланган битимларни амалга ошириш муҳим экани таъкидланди.

Шу муносабат билан Россиянинг етакчи компания

ва банклари иштирокида энергетика мажмуи, металлургия, машинасозлик, электротехника саноати ва бошқа юқори технологик тармоқларда истиқболли лойиҳаларни тайёрлаш масалаларига эътибор қаратилди.

Худудлар даражасида фаол мулоқотларни давом эттириш ҳамда жорий йил кузида Тошкент шаҳрида Ўзбекистон ва Россиянинг биринчи худудлараро форумини ўтказиш бўйича келишиб олинди.

Туризм ва маданият соҳаларидаги алмашинувларни янада кенгайтириш, таълим ва соғлиқни сақлаш соҳаларида ўзаро манфаатли дастурларни амалга ошириш зарурлиги қайд этилди.

Давлат раҳбарлари халқаро сиёсатнинг долзарб масалаларини ҳам муҳокама қилдилар. Минтакавий хавфсизлик ва барқарорликни таъминлаш масалалари юзасидан фикр алмашилди.

Мулоқот сўнгида Ўзбекистон Республикаси ва Россия Федерацияси Президентлари турли форматларда яқин ҳамкорликни давом эттиришга тайёр эканликларини таъкидладилар.

Ў.А.



ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚОЗОҒИСТОН РЕСПУБЛИКАСИ ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТИ ТЎҒРИСИДА

Ўзбекистон Республикаси Президенти Шавкат Мирзиёев 21 май кун Козоғистон Республикаси Президенти Нурсултон Назарбоев билан телефон орқали мулоқот қилди.

Давлат раҳбарлари олий даражадаги мунтазам учрашувлар ва мулоқотлар давомида эришилган келишувларни амалга ошириш доирасида Ўзбекистон ва Қозоғистон ўртасидаги кўп қиррали шериклиكنинг долзарб масалаларини муҳокама қилдилар.

Ўзаро савдо ҳажми барқарор суръатларда ортиб, номенклатураси кенгайиб бораётгани, бу жорий йилнинг ўзидаёқ ўзаро товар айирбошлаш кўрсаткичини 3 миллиард долларга, яқин йилларда эса 5 миллиард долларга етказиш имконини бериши чуқур мамнуният билан қайд этилди.

Мамлакатларимизнинг иқтисодий ва маданий-гуманитар ҳамкорлигида мавжуд улкан салоҳиятдан самарали фойдаланишга қаратилган худудлараро алоқаларни фаоллаштиришга алоҳида эътибор қаратилди.

Томонлар саноат, энергетика, транспорт соҳаларида ва иқтисодиётнинг бошқа тармоқларида истиқболли

қўшма лойиҳаларни амалга оширишдан бирдек манфаатдор экани таъкидланди. Давлат раҳбарлари Ўзбекистон ва Қозоғистоннинг самарали комиссиянинг самарали фаолиятини, шунингдек, Қозоғистонда Ўзбекистон иили доирасида биргаликда муваффақиятли амалга оширилаётган тадбирларни юксак баҳоладилар.

Шунингдек, халқаро сиёсат ва минтакавий ҳамкорлиكنинг долзарб масалалари юзасидан фикр алмашилди.

Мулоқот сўнгида Президентлар Ўзбекистон ва Қозоғистон ўртасидаги дўстлик, яхши қўшничилик ва стратегик шериклик муносабатларини янада мустаҳкамлаш, қардош мамлакатларимиз ва халқларимиз фаровонлиги йўлида ўзаро манфаатли ҳамкорликни кенгайтиришда интилиши қатъий эканликларини таъкидладилар.

Ў.А.

Ўзбекистон Республикаси Президентининг ҚАРОРИ

МАИШИЙ ЧИҚИНДИЛАР БИЛАН БОҒЛИҚ ИШЛАРНИ АМАЛГА ОШИРИШ ТИЗИМИНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

Мамлакатда атроф-муҳитни муҳофаза қилишни таъминлаш, табиий ресурслардан оқилонга фойдаланиш, шунингдек, худудларнинг санитария ва экологик ҳолатини яхшилаш соҳасида изчил сиёсат амалга оширилмоқда.

Хусусан, қисқа муддатда қаттиқ маиший чиқиндилар билан боғлиқ ишларни амалга ошириш тизимининг инфратузилмасини тақомиллаштириш, умумий қуввати йилига миллион тоннадан ортиқ маиший чиқиндиларни қайта ишлаш қувватига эга бўлган маиший чиқиндилар билан боғлиқ ишларни комплекс амалга ошириш кластерларини ташкил этиш бўйича кенг қўламли ишлар олиб борилди. Қўрилган чора-тадбирлар аҳолининг санитария жиҳатидан тозалаш хизматлари билан қамраб олиш кўламининг ўн баравардан зиёд ортишига имкон берди.

Шу билан бирга, экологик хавфсизликни

таъминлашга қулай шарт-шароитлар яратиш, шунингдек, аҳоли пунктларининг санитария ҳолатини лозим даражада жорий этилмаган; айрим тизимли муаммолар тўсқинлик қилмоқда, хусусан:

биринчидан, тегишли инфратузилмани қониқарсиз ҳолатга ва аҳоли пунктлари хизматлар билан тўлиқ қамраб олинишининг таъминланмаслигига олиб келувчи маиший чиқиндилар билан боғлиқ ишларни амалга ошириш соҳасида давлат-хусусий шериклик етарли даражада жорий этилмаган;

иккинчидан, табиий ресурслардан оқилонга фойдаланмасликка олиб келаётган иккиламчи моддий ресурслардан фойдаланиш ҳолати, шунингдек, маиший чиқиндиларни қайта ишлаш тизими замонавий талабларга жавоб бермайди;

(Давоми 2-бетда).



Тарихий ташриф ҳамкорликни мустаҳкамлаш учун пойдевор яратди

Шу йилнинг 15 — 17 май кунлари Ўзбекистон Республикаси Президенти Шавкат Мирзиёев Америка Қўшма Штатларида илк расмий ташриф билан бўлди. Ўзбекистон Республикаси Олий Мажлиси Сенати Раисининг биринчи ўринбосари, делегация аъзоси Содиқ САФОЕВ муҳбиримизга икки мамлакат ўртасида стратегик шериклиكنинг янги даврини бошлаб берган мазкур тарихий воқеанинг аҳамияти, ташрифнинг асосий натижалари ҳақида сўзлаб берди.

ИНТЕРВЬЮ

— Давлатимиз раҳбарининг ташрифи экспертлар ҳамжамияти, сиёсатшунослар, шу жумладан, Американинг энг етакчи олимлари томонидан тарихий, деб баҳоланмоқда. Эътиборлиси, мазкур ибора илк мартаба Америка томонидан ишлатилгани беҳиз эмас. Ўйлайманки, ташриф учун “тарихий” ибораси қўллани-

ташки сиёсатда ҳиссиётларга берилиш, субъектив ёндашувлар асосида иш тутиш мумкин эмас. Чунки сиёсий вазиятга реал ва атрофлича баҳо бериб, шу асосда аниқ қадамлар ташлаш керак бўлади. Бу билан нима демоқчиман? Бугун Америка Қўшма Штатлари дунёнинг энг етакчи ҳамда катта таъсирга эга давлатларидан биридри. Хоҳлаймизми-йўқми, бировга ёқадими-йўқми, Америка халқаро молия институтларида, хусусан, Жаҳон банки, Осиё рақийёт банки, Европа банки ва шу каби бошқа нуфузли ташкилотларда ҳал қилувчи овозга эга. Қолаверса, АҚШ сиёсий жараёнларда, хавфсизликни таъминлашда, жаҳон иқтисодиётида мавқеа жуда баянда давлат саналади.

(Давоми 3-бетда).



Тарихий ташриф ҳамкорликни мустаҳкамлаш учун пойдевор яратди

◀ (Давоми. Бошланиши 1-бетда).

Шунинг учун океанортидаги ушбу давлат билан ҳамма ҳамкорликни йўлга қўйишни истайди, лекин бу жараён жуда мураккаб бўлиб, барча ҳам буни уddалай олмайд.

Президентимиз Шавкат Мирзиёевнинг Вашингтонга расмий ташрифи Ўзбекистон ҳамда АҚШ ўртасида стратегик шериклиқни, биринчи навбатда, Ўзбекистоннинг миллий манфаатларига тўлақонли мос келадиган йўналишларда ривожлантириш учун мустаҳкам замин яратди. Фикримча, ташрифнинг энг муҳим жиҳатларидан бири шундаки, дунёда, жумладан, Америкада янги Ўзбекистон вужудга келгани тан олинмоқда. Янги давлат, авваламбор, янги имиджга, янги халқаро обрўга ва янгича ҳурматга эга бўлган давлат деганидир. Муболагасиз айтиш мумкинки, Америкага ташриф, ушбу мамлакат сиёсий элитаси билан ўтказилган музокаралар бунинг яққол тасдиғи бўлди.

Иккинчидан, Ўзбекистон Президентининг бугунги кунда халқаро миқёсда катта обрўга эга эканлиги, энг етакчи давлатлар раҳбарлари томонидан юқори ҳурмат билан тилга олинаётгани ташрифнинг муваффақиятли ташкил этилишида муҳим роль ўйнади. Бунга, айниқса, АҚШ Конгрессидаги мулоқотлар мисолида гувоҳ бўлдик. Биласизми, АҚШ Конгресси бошқа мамлакатлар қонун чиқарувчи органларидан фарқ қиладиган кучли сиёсий институт

ҳисобланади. Бу мамлакатда ички ҳамда ташқи сиёсатга дахлдор барча масала Конгресс тасдиғисиз, мазкур муассаса маъқуллама, амалга ошмайди. Ҳар қандай дастурларни молиялаштириш, у ёки бу лавозимга кадрлар тайинлашда ҳал қилувчи гапни АҚШ Конгресси Сенати ва Вакиллар палатаси айтади. Масалан, Президентимиз учрашган сенатор Оррин Хэтчни оладиган бўлсак, у АҚШ сиёсий иерархиясида, яъни истеблшментида тўртинчи позицияда туради. У нафақат АҚШ Сенатининг ҳал қилувчи қўмитаси, яъни бюджетни тасдиқлайдиган ва тақсимлайдиган қўмита раиси, шу билан бирга, АҚШ Сенати раиси ўринбосари саналади. Трент Келли ҳамда бошқа конгрессменлар эса иқтисодийёт, хавфсизлик масалаларида катта мавқега эга сиёсатчилар. Уларнинг Америка ташқи сиёсатига таъсири жуда юқори.

Президентимиз билан мулоқотда бўлган америкалик сенатор ва конгрессменлар, биринчи галда, Ўзбекистондаги ислохотларга, жумладан, давлат бошқарувини тақомиллаштириш, демократияни, иқтисодий эркинликни илгари сурш борасидаги ишларга ниҳоятда аъхи бо ҳеришди. Илгариги тажрибамдан биламанки, Конгрессдаги суҳбатлар, музокаралар жуда оғир ўтар эди. Доимо саволлар, танқидий мулоҳазалар ўртага ташланарди. Бу гал — тажрибамда биринчи марта Америка Қўшма Штатларида олқишдан

бошқа гап эшитмадик. Мисол учун, конгрессмен Трент Келли ўтган йили саккиз кишилик делегацияга раҳбарлик қилиб, юртимизга ташриф буюрган эди. У мамлакатимизга узокдан, юзаки баҳо бермаяпти, балки барча ташкилотлар мутасаддилари билан учрашиб, ўзгаришлар билан яқиндан танишгани асосида ислохотлар мислсиз тарзда ривожланиб бораётганини, Шавкат Мирзиёев етакчилигида амалга оширилаётган оқилона, қатъий ҳамда узокни кўзланган янгиланишларни тўлиқ қўллаб-қувватлашини билдирди. Америкалик сиёсатчининг айтишича, айнан кенг қўламли ислохотлар эвазига Ўзбекистон ва АҚШ ўртасидаги ишонч аввалги даврлардагига нисбатан кескин мустаҳкамланди.

Сенатор Хэтч ҳам Ўзбекистон раҳбарини дунёнинг энг йирик сиёсий арбоблари сафида эътироф этди ҳамда Шавкат Мирзиёевнинг доворак ва пухта сиёсатини қўллаб-қувватлашини билдирди.

Ўзбекистон тарафи ҳам Конгресснинг АҚШ ижтимоий-сиёсий ҳаётидаги тутган ўрнини инобатга олган ҳолда, бу муассаса билан тизимли равишда муносабатлар ўрнатишга қизиқиш билдирмоқда. Президентимиз АҚШда Ўзбекистон билан парламентлараро алоқалар-

ни илгари суришга қаратилган қонус, яъни ҳамкорлик гуруҳини ташкис қилиш ташаббусини билдирди. АҚШлик конгрессменлар мазкур ташаббусга катта қизиқиш билан қараб, бу тақлифни яқин кунларда қўриб чиқажакларини айтишди. Чунки, уларнинг фикрича, мазкур ҳамкорлик механизмидан танишгани асосида ҳам манфаатдордир. Шу сабабли Олий Мажлис ва АҚШ Конгресси ўрта-сидаги ҳамкорлик гуруҳини тузиш мақсадга мувофиқлиги қайд этилди. Бу нима учун керак? Авваламбор, ушбу механизм икки томонлама парламентлараро мулоқотни, ўз навбатида, ўзаро ишончни мустаҳкамлаш ҳамда икки томон учун манфаатли масалаларни муҳокама қилишда муҳим ўрин тутadi. Шу билан бирга, маълумки, ташриф доира-сида 12 та муҳим ҳужжатга қўл қўйилди. Очиги, бунақаси ҳеч қачон бўлмаган. Ўз-ўзидан икки томонлама муносабатларимизнинг ҳуқуқий пойдевори салмоқли равишда кенгайди. Буни ҳаётга табиқ этишда парламент назоратининг роли беқийёс. Парламентлараро дўстлик гуруҳининг тузилиши, шуьҳасиз, Америка ва Ўзбекистондаги муносабатларни янада ривожлантириш учун мустаҳкам асос яратади.

Хулоса ўрнида айтганда, ўзаро муносабатлардаги тарихий воқеа бўлган мазкур ташриф миллий манфаатларимизга уйғун равишда икки томонлама ҳамкорликни янги поғонага қўтариши, шуьҳасиз.

Қобил ХИДИРОВ эъиб олди.

Фуқаролар манфаатларини самарали ҳимоялаш кучайтирилмоқда

Бугунги кунда мамлакатимизда амалга оширилаётган туб ислохотлар, қабул қилинаётган муҳим ҳужжатлар халқимиз ҳаётини юксалтириш баробарида, ҳуқуқ ва эркинликлари ҳамда манфаатларини таъминлаш, юртимиз тинчлиги ва хавфсизлигини ишончи ҳимоя қилишда долзарб аҳамият касб этмоқда.

ДЕПУТАТ ФИКРИ

Президентимизнинг жорий йил 14 майдаги “Жиноят ва жиноят-процессуал қонунчилиги тизимини тубдан тақомиллаштириш чора-тадбирлари тўғрисида”ги қарори ҳам суд-тергов амалиёти таҳлили, аҳоли билан бевоcита мулоқот натижалари асосида қабул қилинган бўлиб, ушбу соҳадаги мавжуд камчиликларни бартараф этишга қаратилгани билан ниҳоятда аҳамиятлидир.

Бинобарин, унда жиноят ҳамда жиноят-процессуал қонунчилиги тизимидаги фуқароларнинг ҳуқуқлари, эркинликлари ва қонуний манфаатларини самарали муҳофазалаш, жиноят ишлари бўйича судга судча ҳамда суд жараёнида қонунийлиқни таъминлашга тўқсинлик қилувчи ҳуқуқий бўшлиқларнинг мавжудлиги, алоҳида турдаги жиноятларни содир

этганлик учун санкциялар қилмишларнинг ижтимоий хавфлилик хусусияти ва даражасига номувофиқлиги, жумладан, жазонинг муқобил турлари, рағбатлантирувчи нормалар ҳамда жамоат таъсир чоралари етарли даражада қўлланилмаслиги ва самарасизлиги алоҳида ифодаланган.

Шунингдек, тексoр-тергов тадбирларини ўтказиш сифатининг қоникраcизлиги ҳамда процессуал қонунчилик талабларини бузган ҳолда олинган маълумотлардан фойдаланиш, халқаро амалиётда эътироф этилган жиноят-ҳуқуқий институтларнинг етарли даражада имплементация қилинмагани, суд-тергов фаолиятига замонавий ахборот-коммуникация технологияларини жорий этиш жуда паст даражада экани очик кўрсатиб ўтилган.

Қарорда амалга оширилаётган ишларга тўқсинлик қилаётган муаммолар назарда тутилган ҳолда, бу бўйича қонунчиликни тақомиллаштириш ва бажарилиши лозим бўлган чора-тадбирлар ифодаланди.

Хусусан, Ўзбекистон Республикасининг Жиноят ва жиноят-процессуал қонунчилигини тақомиллаштириш концепцияси тасдиқланиб, жиноят қонунчилиги нормаларини унификация қилиш, жиний жавобгарлик ҳамда жазо тизимини тақомиллаштириш, фуқаролар ҳуқуқ ва эркинликлари, жамият ҳамда давлат манфаатларининг таъсирчан ва ишончи муҳофаза этилишини таъминлаш унинг асосий йўналишлари ҳамда вазифалари этиб белгиланди.

Жиноят-процессуал қонунчилиги нормаларини тизимлаштириш ва уйғунлаштириш, жиноят процессида шахсининг ҳуқуқ ҳамда эркинликлари кафолатларини ишончи таъминлаш механизмларини тақомиллаштириш, жиноят процессининг янги шакл ва тартиб-таомилларини киритиш лозимлиги ҳам қатъий кўрсатиб ўтилди.

Албатта, буларнинг барчаси мамлакатимизда “Инсон манфаатлари ҳамма нарсадан устун”

деган ҳаётий тамойил рўёбига ҳизмат қилади.

Бундан ташқари, ушбу ҳужжатда жиноят ишлари бўйича иш юритувни электрон шаклда юритиш ҳамда процессуал ҳаракатларни амалга ошириш вақтида суриштирув идораларининг прокуратура, судлар ва жазони ижро этиш органлари, шунингдек, бошқа ташкилотлар билан маълумотлар алмашинуви имкониятини берувчи ҳимояланган тизимни, жумладан, ахборот тизимлари ҳамда маълумотлар базаларини интеграция қилиш, жиноят ишлари бўйича статистика юритишни автоматлаштириш орқали жорий этиш назарда тутилмоқда. Бу, ўз навбатида, соҳага замонавий ахборот-коммуникация технологиялари кенг жорий қилинишини кафолатлаш баробарида, ортиқча вақт сарфланишига барҳам беради.

Умуман олганда, давлатимиз раҳбарининг мазкур қарорида белгиланган талабларнинг амалга оширилиши келгусида суд-тергов фаолиятида фуқароларнинг ҳуқуқлари, эркинликлари ва қонуний манфаатлари муҳофазасини таъминлаш, суд ҳамда тергов органларининг масъулиятини кучайтириш, халқимизнинг ҳуқуқни муҳофаза қилувчи органларга ва судга бўлган ишончини мустаҳкамлашга ҳизмат қилади.

Шерзод ТЎХТАШЕВ,
Олий Мажлис Қонунчилик палатаси депутати,
«Миллий тикланиш» демократик партияси фракцияси аъзоси.

Ўзбекистон ва Европа иттифоқи:

Муносабатларнинг янги истикболлари



ПАРЛАМЕНТДАГИ МУХБИРИМИЗ ХАБАР ҚИЛАДИ

Мулоқот чоғида мамлакатни ривожлантиришнинг бешта устувор йўналиши бўйича Ҳаракатлар стратегиясига мувофиқ, Ўзбекистонда давлат ҳамда жамият қурилиши тизимини тақомиллаштириш, қонун устуворлигини таъминлаш ва суд-ҳуқуқ тизимини янада ислох қилиш, иқтисодиётни либераллаштириш, ижтимоий соҳани тараққий эттириш, хавфсизлик ҳамда миллатлараро тувлиқни таъминлаш борасида олиб борилаётган кенг қўламли ислохотлар, чуқур ўйланган, ўзаро манфаатли ва амалий ташқи сиёсат соҳасида рўёбга чиқарилаётган ўзгаришлар, халқ билан мулоқотнинг самарали ҳамда ноёб тизими юзасидан муфассал маълумот берилди.

Қуйи палата Спикери меҳмонларга Олий Мажлис Қонунчилик палатаси, сиёсий партиялар ва фракциялар, янги тузилган қўмиталар, комиссиялар ҳамда хорижий парламентлар билан ҳамкорлик қилиш доирасида ташкил этилган дўстлик гуруҳлари, шунингдек, Олий Мажлис ҳузуридаги Қонунчилик муаммолари ва парламент тадқиқотлари инсти-

тути фаолияти ҳамда “Mening fikrim” жамоавий электрон мурожаатлар портали ҳақида сўзлаб берди. Айни чоғда депутатларнинг жойларда аҳоли билан очик мулоқотлари ўтказилаётгани, худудлардаги мавжуд муаммоларни бартараф қилишда парламент назоратининг таъсирчан механизмларидан самарали фойдаланилаётгани, буларнинг барчаси, энг аввало, инсон манфаатларини таъминлаш, ҳуқуқ ва эркинликларини ишончи муҳофаза этишда муҳим аҳамиятга эга бўлаётгани айтиб ўтилди.

Суҳбат давомида юртимиз парламенти хорижий ҳамкорлар билан дўстона ҳамда ўзаро фойдали муносабатларни жадал ривожлантираётгани ўз эътирофини топди. Ўзбекистон ҳамда ЕИ ўртасидаги шериклик ва ҳамкорлик Келишуви доирасида парламент ҳамкорлиги қўмитаси, шунингдек, савдо ҳамда инвестициялар, адлия, ички ишлар, инсон ҳуқуқларига оид 6 та ҳамкорлик ташкилоти тузилгани бунга аққол мисолдир.

Шу билан бирга, бугун Ўзбекистонда Европа иттифоқи

давлатларидан инвестициялар иштирокидаги мингдан ортиқ корхоналар фаолият юритмоқда. Бундан ташқари, мамлакатимизда Европа иттифоқи Комиссиясининг техникавий кўмағида бизнес ва туризмни ривожлантириш, транспорт логистикаси, чегараларни бошқариш, гиёҳвотларни воситаларининг ноқонуний айланмасига қарши курашиш, хавфсизлик ҳамда бошқа йўналишларда 25 та лойиҳа ва 10 та худудий лойиҳа самарали рўёбга чиқарилаётди.

Конструктив руҳда ўтган учрашувда меҳмонлар Ўзбекистонда сўнгги йилларда фан-таълим, экология, туризм соҳаларида, атроф-муҳит муҳофазасини таъминлаш бўйича жадал олиб борилаётган ислохотларга, шунингдек, мамлакатимизнинг яқин қўшилар билан муносабатлари тобора мустаҳкамланиб бораётганига қизиқиш билдирди. Айни чоғда барча йўналишда икки томонлама ҳамкорликни ривожлантиришнинг ишончи базасини яратиб берадиган парламентлараро алоқаларни янада кенгайтириш муҳимлиги ҳам қайд этилди.

Зиёда АШУРОВА.

Олий суд Пленуми мажлиси

Ўзбекистон Республикаси Олий суди Пленуми мажлиси бўлиб ўтди.

Олий суд раиси К. Комилов бошқарган тадбирда 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси жамиятнинг қонунийлик ва қонун устуворлигини таъминлаш, суд-ҳуқуқ тизимидаги ислохотларни изчил давом эттириш, фуқароларнинг судга мурожаат қилиш, суд орқали ҳимояланиш ҳуқуқларини янада кенгайтиришда муҳим ўрин тутаетгани алоҳида таъкидланди.

Қайд этилганидек, жорий йилнинг 1 апрелидан эътиборан янги таҳрирдаги Фуқаролик процессуал кодексини, Маъмурий суд ишларини юритиш тўғрисидаги кодекс ва Иқтисодий процессуал кодекси амалга киритилгани жамиятимиз ҳаётида тарихий воқеа бўлди. Дунёнинг тараққий топган давлатлари амалиётини чуқур ўрганиш ҳамда ислохотлар жараёнида тўпланган бй тажриба-наси асосида ишлаб чиқилган ушбу ҳужжатлар одил судлов самардорлигини ошириш, фуқароларнинг ҳуқуқлари, эркинликларини қонуний манфаатларини

замонавий механизмлар орқали кафолатли ҳимоя қилиш, судлар фаолияти шаффофлиги ҳамда очкичилиги таъминлашда алоҳида ўрин тутadi.

Шунингдек, Президентимизнинг жорий йил 14 майдаги қарори билан Ўзбекистон Республикасининг жиноят ва жиноят-процессуал қонунчилигини тақомиллаштириш концепцияси тасдиқланди. Ушбу Концепция халқаро стандартлар ҳамда илгор хорижий тажрибани инобатга олган ҳолда ва Ҳаракатлар стратегиясига кўра, жиноят ҳамда жиноят-процессуал қонунчилигини тақомиллаштиришнинг мутлақо янги устувор йўналишларини ишлаб чиқаш ва амалга оширишга қаратилган.

Ўз навбатида, айтиб ўтилган қонун ҳужжатларини судларда бир ҳолда қўллаш, бу борада ягона амалиётни шакллантириш — Олий суд Пленумининг тегишли қарорларини қабул қилишни тақозо этаетган эди. Шу асосда Олий суд ишчи гуруҳи томонидан суд амалиёти чуқур ўрганилди ҳамда қатор қарорлар лойиҳалари ишлаб чиқилди. Хусусан, “Биринчи инстанция суди томонидан

фуқаролик процессуал қонун ҳужжатлари нормаларини қўллашнинг айрим масалалари тўғрисида”ги қарор лойиҳаси билан судлар эътибори, процессуал нормаларга риоя қилмаслик тарафлар ва ишда иштирок этувчи бошқа шахслар ҳуқуқлари бузилишига олиб келишини инобатга олган ҳолда, фуқаролик ишларини кўришда фуқаролик процессуал қонун нормаларига қатъий риоя қилиш заруриликларига қаратилмоқда.

“Маъмурий ишларни кўришда биринчи инстанция суди томонидан процессуал қонун нормаларини қўллашнинг айрим масалалари тўғрисида”ги Пленум қарори лойиҳаси эса судлар эътиборини маъмурий ишларни юритиш бўйича процессуал қонун нормаларига қатъий риоя этиш, уларни кўриб чиқиш сифатини яхшилаш, ҳар бир иш бўйича қонуний ҳамда асосланган қарор қабул қилиш муҳимлигига йўналтирилганлиги билан аҳамиятлидир.

Тадбирда, шунингдек, яна бир қатор қарор лойиҳалари муҳокамадан ўтказилди.

Пленум мажлисида кўрилган масалалар юзасидан тегишли қарорлар қабул қилинди.

Зокир ХУДОЙШУКУРОВ,
«Халқ сўзи» мухбири.

Ҳаётий янгиланишлар, жадал ислохотлар

Ҳаёт фаровонлиги, орзулар рўёби унга эришиш йўлидаги сай-ҳаракатга, ҳолис ниятга боглиқ. Бунинг тасдиғини, ҳар биримиз ўз ҳаётимиз мисолида кўриб турибмиз.

«ЁШЛАР — ЎЗБЕКИСТОН КЕЛАЖАГИ»

Аввал хабар берганимиздек, Наманган вилоятининг Норин туманини мамлакатимиздаги намунали худудга айлантириш мақсадида кенг қўламли тадбирлар амалга оширилди. “Ёшлар — Ўзбекистон келажи” дастури асосида бажарилган ишлар одамларда катта таассурот қолдирди. Негаки, Ўзбекистон Республикаси Президентининг Давлат маслаҳатчиси — Ёшлар иттифоқи Марказий Кенгаши раиси Қаҳрамон Қуронбоев бошчилигидаги республика ишчи гуруҳи томонидан 57 маҳалла фуқаролар йиғини тўлиқ қамраб олинди. Президент девони, вазирилик ҳамда қўмиталар, идоралар ва ташкилотлар масъул ходимлари, адлия, ҳуқуқ-тартибот, маданият, спорт, таълим, соғлиқни сақлаш ҳамда бошқа соҳалар вакиллари, шунингдек, Андижон, Фарғона ва Наманган вилоятлари олий таълим муассасалари ректорлари, профессор-ўқитувчиларида иборот гуруҳ аҳолининг ҳуқуқий, тиббий маданияти ҳамда маънавиятини юксалтириш бўйича жонли мулоқотлар ўтказди.

Жумладан, хонадонма-хонадон юриб, 20 мингдан зиёд аҳоли ва ёшлар билан

юзма-юз суҳбат ўтказилди. Аниқланган 6-минг 888 та муаммоларнинг 4 минг 911 таси жойида ечим топди.

Қўп йиллар давомида қишлоқ жойларда одамлар учун зарур шароитлар яратиб бериш, турмуш даражаси ҳамда сифатини ошириш, уларнинг ҳаётий эҳтиёжларини таъминлаш масалаларига етарлича эътибор қаратилмагани оқибатида айримлар боқимандалик қайфиятига берилди. Ўзининг уй-жойи, ҳовли ва томорқасига ҳам қарамай қўйди. Ачинарлиси, бу салбий иллат фарзандлар тарбиясига ҳам таъсир кўрсатди. Норин тумани ҳам бундан мустасно эмас. Ҳуғанишлар давомида ишчи гуруҳлар салкам йигирма бир минг хонадонга бевосита ташриф буюриб, табиий газ, электр энергияси, кўмир таъминоти, йўлларни ташмирлаш, ичимлик суви, бандлик, соғлиқни сақлаш, уй-жой, тадбиркорлиқни бошлаш, кредит олиш, ижтимоий-маънавий мухитни барқорорлаштириш, ҳуқуқбузарлик профилактикаси ҳамда бошқа кўплаб масалалар билан боглиқ етти мингга яқин муаммоларни аниқлагани бунинг яққол далилидир.

Ҳозирги кунда туманда истиқомат қилаётган 157 минг нафардан зиёд аҳолининг 95 минг нафари ёшлар бўлиб, уларнинг мингдан зиёди ҳам таъминланган ва ижтимоий ҳимояга муҳтож оилалар фарзанди. 43 нафар ногиронлиги бўлган, орзу-интилишлари билан дерили ҳеч ким қизиқмагани ўта ачинарли ҳолатдир.

Таъкидлаш лозимки, ишчи гуруҳ асосий эътиборни аниқланган муаммоларни жойида ва тез фурсатда ҳал этишга қаратгани норинликлар қайфиятига ижобий таъсир қилди. Ечимини кутаётган масалалар юзасидан режа асосида муддати ҳамда ижрочилари аниқ белгиланган дастур ишлаб чиқилиб, ижрога йўналтирилгани маҳаллий бошқарув органлари масъулиятини оширди.

Туманда бугун қарийб уч ярим минг нафар ишсиз, тўрт мингдан зиёд доимий иш ҳолига эга бўлмаган ёшлар бўлгани ҳолда, уларнинг бандлигини таъминлаш, янги иш ўринларини яратиш бўйича амалий ҳаракатлар сустилича қолмоқда. 2018 йил давомида атиги 260 нафар йигит-қиз, жумладан, лицей ва коллежларнинг 172 нафар битирувчиси ишга жойлаштирилган, ҳолос. Ишчи гуруҳ сай-ҳаракати билан қисқа фурсатда 1 минг 776 нафар ишсиз ёшнинг мутахассислиги бўйича бандлиги таъминланди.

Тадбиркорлик фаолиятини бошлаш

истагидаги ёшларнинг 344 нафарига жами 5 миллиард 283 миллион сўм миқдориди кредит маблағлари ажратилганди бўлди. Ёшлар иттифоқи 18 нафар ёш тадбиркорга 2,5 миллиард сўмлик имтиёзли кредит олишга имкон яратди. Яна 34 нафар ёш тадбиркорга бино-иншоотлар ҳамда ер-майдонлари ажратилди. Бунинг натижасида 823 нафар аҳоли бандлиги таъминланди. 333 та иш ўрни яратилди. Ёшларнинг 70 та йирик лойиҳаси сараланиб, 32 миллиард 560 миллион сўм кредит ресурслари ажратилга бошланди. Тажриба тариқасида тумандаги 233 та фермер ҳўжалиги учун юрист ва иқтисодчи лавозимларига ишга жойлаштириш мақсадида 317 нафар ишсиз ёш Давлат бошқаруви академиясига малака ошириш курсларига жалб этилди.

Айни вақтда Норинда юзга яқин мактабча, умумтаълим ҳамда касб-ҳунар таълими муассасалари мавжуд. Таълим тарбия борасида ҳал қилувчи босқич ҳисобланган мазкур муассасаларнинг моддий-техника базасини мустаҳкамлаш, жумладан, янги босчалар қуриш, таълим-тарбия сифати ва даражасини янги босқичга қўтариш юзасидан амалий ҳаракатларга ўтилмаётгани эса кишини таажжубга солади. Биргина 2018 йилнинг ўтган даврида ёшлар ўртасида саккизта жиноят ҳамда 463 та маъмурий ҳуқуқбузарлик содир этилгани, беш нафари ўз жонига қасд қилишга урингани худуддаги ижтимоий вазиятни соғлом-

лаштириш қай даражада муҳим эканини кўрсатади. Урганишлар давомида туманда 14 минг 120 та ёш оиланинг 4 мингга яқини уй-жойга муҳтожлиги ва бошқа ижтимоий муаммолар гирдобиде қолиши оқибатида биргина жорий йилнинг ўзида 19 та ажрим қайд этилгани аниқланди.

Яна бир муҳим маълумот. Норин туманида намуна сифатида жами 233 та фермер ҳўжалигида юрист, иқтисодчи ҳамда молиячи лавозимларига ўрта махсус маълумотли ёш кадрларни ишга қабул қилиш амалиёти жорий этилди. Бу республикада ҳали бирон марта қўлланилмаган тажриба экани билан ҳам аҳамиятлидир. Шу билан бирга, уюшмаган ёшларни масъуний ишларга жалб қилиш мақсадида маҳаллаларда 25 нафардан 50 нафаргача аъзони бирлаштирган, жами 200 кишилик “Фидойи ёшлар отрядлари” тузилди.

Таълим сифатини янада яхшилаш, ёшлар саводхонлигини ошириш республика ишчи гуруҳи диққат-эътибориди яна бир муҳим масала бўлди. Норин туманидаги Ёшлар марказида 45 та умумтаълим мактаби директор ва ёшлар етакчилари билан учрашув ташкил этилиб, уларга мутахассислар томонидан ўз устида ишлаш, интернетдан самарали фойдаланиш, таълим-тарбия жараёнида янги педагогик технологиялардан кенг фойдаланиш бўйича маҳорат дарслари ўтилди. Замонавий усул ҳамда ёндашувлар ҳақида маълумотлар берил-

ди. Норинқапа қишлоғидаги 40-умумтаълим мактаби барча йўналиш бўйича энг намунали мактабга айлантирилди. Таълим масканининг 28 та синф хонаси, бино йўлаклари ва фойеси қайтадан таъмирланди. Инглиз тили ҳамда математика фанларидан олимпиадалар уюштирилиб, гоилиларга олий ўқув юртига контракт асосида қабул қилинган тақдирда, бир йиллик тўлов маблағини қоплаш бўйича тавсияномалар тақдим этилди.

Ишчи гуруҳ ташаббуси билан ички ишлар органлари профилактик ҳисобида турган вояга етмаганлар, тарбияси оғир ва ноқобил оилалар фарзандлари, ишсиз ёшлар — жами 200 нафарга яқин йигит-қизлар иштирокчида “Китобхонлик — жиноятчилик ва ҳуқуқбузарликларнинг олдини олишнинг самарали йўли” мавзуида китобхонликни тарғиб этиш бўйича тадбир ўтказилди. 20 минг аҳоли ҳуқуқлаштирилган тиббий кўрикдан ўтказилди. Шунингдек, ташкилот ҳамда муассасаларда саломатлик бурчаклари ташкил қилинди, соғлом турмуш тарзини тарғиб этувчи ўнлаб видеороликлар намойиш қилинди. Қулник ва ҳафталик режа асосида спортнинг бир қатор турлари бўйича мунтазам мусобақалар ўтказилди. Бунинг учун тумандаги 57 маҳаллада спорт майдончаларини барпо этишга киришилди.

Тумандаги марказий “Шодлик” стадионида ташкил қилинган гала-концерт эса норинликларга хушайфит улашди.

Фахриддин КАРИМОВ.



Жошшир ЕРБЕКОВ (ўзг) олган сурат.

Ёшлик шижоати намоёйиши

Жиззахдаги “Сўғдиёна” мажмуасида “Умид ниҳоллари — 2018” спорт мусобақасининг вилоят босқичи ғолиб ҳамда совриндорларини тақдирлашга бағишланган маросим бўлиб ўтди. 224 минг нафардан зиёд ўқувчиларни ўз бағрига олган 542 та умумтаълим мактабида “Ёшлик ва спорт байрами” шиори остида спортнинг 21 тури бўйича ўтказилган мусобақалар қизгин курашларга бой кечгани

мазкур тадбирда алоҳида эътироф этилди. Шароф Рашидов тумани вакиллари умумжамоа ҳисобида биринчи ўринни эгаллаб, Президент совғаси — “Damas” автомашинаси кўлга киритишди. Жиззах шаҳри ҳамда Ғаллаорол тумани спортчилари ҳам нуфузли ўринларни эгаллашиб, “Умид ниҳоллари” кубоги, диплом ва қимматбаҳо совғалар билан тақдирланишди.



Алишер ИСРОИЛОВ (ўзг) олган сурат.

Самарқанд вилоятида 2017 йилнинг сентябрь-октябрь ойларида ўтказилган мусобақаларнинг мактаб, туман (шаҳар) босқичларида минглаб ўқувчилар қатнашган эди. Кузги ва қишки таътиллари пайтида мини-футбол, енгил атлетика, бадий гимнастика, шахмат ҳамда шашка, баскетбол, волейбол, бокс, кураш, белбоғли кураш каби спорт турлари бўйича мусобақалар ўтказилганди.

Самарқанд шаҳридаги “Мўъжиза” амфитеатрида ғолибларни тақдирлаш ма-

роҳи бўлиб ўтди. “Умид ниҳоллари” спорт мусобақаларининг вилоят финал ўйинлари якунига кўра, спортнинг 21 тури бўйича умумжамоа ҳисобида биринчи ўринни Самарқанд шаҳри жамоаси эгаллади ва Президент совғаси — “Damas” автома-

шинаси соҳиби бўлди. Ургут ҳамда Булунгур туманлари жамоалари иккинчи ва учинчи ўринларни эгаллашди. Мусобақаларда иштирок этган 3568 нафар ўқувчининг 1216 нафари қизлар эди. Мусобақа ғолибларига тегишли даражадаги кубок, диплом ва қимматбаҳо совғалар топширилди.

Маросимда таниқли санъаткорлар томонидан тайёрланган концерт ҳамда ёш спортчиларнинг кўргазмалари чиқишлари намоёйиш этилди.

Толибжон ЭРҒАШЕВ,
Мамадиёр ЗИЁДИНОВ,
Аҳад МУҲАММАДИЕВ,
“Халқ сўзи” мухбирлари.

Табиий экотизим:

ЭКОЛОГИК БАРҚАРОРЛИК КАФОЛАТИ

Биологик турларни сақлашнинг аҳамиятини чуқур англаш, халқаро ҳамжамиятнинг хабардорлигини ошириш мақсадида БМТ ташаббуси билан 22 май “Халқаро биологик хилмаҳиллик куни” деб эълон қилинган. Ушбу экологик сана бутун дунёда бўлгани каби мамлакатимизда ҳам кенг нишонланади.

“Биологик хилмаҳиллик” тушунчаси ердаги ҳаётнинг турли-туманлигини, ҳайвонлар, ўсимликлар, микроорганизмлар, уларнинг генлари ва экотизимларини англайди. Унда маълум бир организм тўғрисида статистик маълумот эмас, балки биологик ўзаро муносабат ўз аксини топган. Шу маънода, жамиятнинг иқтисодий, экологик ҳамда маданий-эстетик эҳтиёжларини қондиришнинг ушбу салоҳиятли ресурси ранг-баранглигини таъминламасдан туриб, барқарор ривожланишга эришиб бўлмайди. Ачинарлиси, дунё бўйлаб ишлаб чиқариш, савдо, қишлоқ ҳужалиги ва саноат тармоқларининг ривожланиши, уй-жой қурилиши, аҳоли ўсиши замонавий моделларнинг тез ёйилиши боис биологик хилмаҳилликка инсон омилнинг таъсири юқориликча қолмоқда.

БМТ томонидан 1992 йилда Рио-де-Жанейрода имзоланган Биологик ранг-баранглик тўғрисидаги Конвенция экологик мувозанатни сақлашда давлатлардан кучли ирода ҳамда катта сиёсий кучни ишга солишда муҳим ҳужжат бўлиб хизмат қилмоқда. Ўзбекистон мазкур халқаро ҳужжатга 1995 йилда қўшилгани, республика ҳукумати томонидан Ўзбекистон Республикасида Биологик хилмаҳилликни сақлаб қолиш бўйича Миллий стратегия ва Ҳаракатлар режаси тасдиқлангани диққатга сазовор. Бугунги кунда Конвенция доира-



22 май —
Халқаро биологик хилмаҳиллик куни

сидаги вазифаларни бажариш мақсадида мамлакатимиз умумий ер майдонининг 10 фоизини муҳофаза этиладиган табиий ҳудудлар тоифасига киритиш борасида изчил саяё-ҳаракатлар олиб боришмоқда. Зеро, ҳайвонот ҳамда ўсимлик дунёси генофондини, экотизимлар барқарорлигини сақлаб қолишда муҳофаза қилинадиган табиий ҳудудлар муҳим аҳамиятга эга. Мамлакатимиз биохилмаҳиллиги, ўсимлик ва ҳайвонот дунёси ана шундай табиий ҳудудларда муржаб бўлиб, айна пайтда ўсимлик дунёсининг 4 минг 500 юксак тури мавжуд бўлса, шундан 324 таси, ҳайвонот оламнинг эса 715 юксак тури учраса, шундан 184 таси Ўзбекистон “Қизил китоби”га киритилган.

Шуни ҳисобга олган ҳолда, юртимизда мавжуд 8 та давлат

қўриқхонаси, битта давлат биосфера резервати, 2 та табиат миллий боғи, 10 та давлат буюртма қўриқхонаси, 6 та табиат ёдгорлиги, 3 та ёввойи ҳайвонларни кўпайтириш бўйича питомник фаолияти ҳар томонлама қўллаб-қувватланмоқда. Бунда 30 га яқин қонунлар ҳамда юзлаб қонуности меъёрий ҳужжатлар қабул қилиниб, муҳофаза этиладиган табиий ҳудудларни бошқариш бўйича муносабатларни тартибга солишчи мустақам ҳуқуқий база яратилгани қўл келмоқда. Ўз навбатида, қонунчилигимиз янада такомиллаштирилиб, янги тушунчалар билан бойитилмоқда. Хусусан, “Муҳофаза этиладиган табиий ҳудудлар тўғрисида”-ги Қонунга мувофиқ, муҳофаза қилинадиган табиий ҳудудлар тизимига биосфера резервати, сув муҳофазаси зоналари тушунчаси

киритилди. Шунингдек, хусусий буюртмаҳоналар ва парваришхоналар яратишга рухсат берилди.

Айтиш жоизки, Ўзбекистон Бирлашган Миллатлар Ташкилотининг Мингйиллик декларациясини тан олган ҳамда имзолаган томон сифатида, қолаверса, Миллий ривожланиш тамойилларидан келиб чиққан ҳолда, экологик барқарорлиқни таъминлашга қаратилган аниқ чора-тадбирлар дастурларини ишлаб чиқиш, ҳаётга жадал татиқ қилиб келмоқда. Буларнинг барчаси мамлакатимизнинг ижтимоий-иқтисодий ва экологик соҳаларда барқарор ривожини таъминлашга хизмат қилади.

Ислом ХУШВАҚТОВ,
Олий Мажлис Қонунчилик
палатаси депутати,
Экоҳаракат депутатлари гуруҳи
аъзоси.

Кўприклар дилларни боғлайди

Нурота туманининг Сойкечар қишлоғига сой кечиб бориш, кечувни ҳар йили сел ювиб кетаришидан таъмирлашнинг адоғига етказиб бўлмас эди.

Кулайлик

Давлатимиз раҳбарининг вилоят аҳли билан мулоқоти чоғида мана шу масала кўтарилиб, мутасадди идораларга тегишли топшириқлар берилди. Натижада қисқа муддатда узунлиги 36, эни 12 метр бўлган кўприк қурилди. Навоий кўприклардан фойдаланиш унитар корхонаси томонидан бунинг учун 1 миллиард 796 миллион 736 минг сўм маблағ сарфланди.

— Икки тоғ орасидаги ўнлаб қишлоқлар аҳолисининг қувончи чексиз, — дейди меҳнат фахрийси Ҳазрат Маматов. — Давлатимиз раҳбарига ушбу масалада қилган муножаатимиз инобатга олинганидан бошимиз осмонда.

Темур ЭШБОЕВ,
“Халқ сўзи” мухбири.

РЕКЛАМА ВА ЭЪЛОНЛАР



AGROBANK

«АГРОБАНК»ДАН
ҲУНАРМАНДЛАР УЧУН
ИМТИЁЗЛИ КРЕДИТЛАР!

«Ҳунарманд» уюшмасининг аъзосимисиз?
Унда зарур минитехнология, асбоб-ускуна
ва эҳтиёт қисмларни харид қилиш, шунингдек,
айланма маблағларни тўлдириш учун банкнинг
имтиёзли кредитларидан фойдаланинг!

Кредитлар энг кам ойлик иш ҳақининг
300 баробари миқдорида 2 йил муддатга,
6 ой имтиёзли давр билан ажратилади.



➤ **Асбоб-ускуна ва эҳтиёт қисмлар**
хариди учун — 7 фоиз.

➤ **Айланма маблағларни**
тўлдириш учун — 14 фоиз.

Азиз ҳунармандлар,
фаолиятингизни

AGROBANK

билан ривожлантиринг!

/AgrobankChannel

«Agrobank Mobile» иловасини юклаб олинг.

Тел.: (0-371) 203-88-88.

/agrobankuzbekistan

Download on the App Store

GET IT ON Google Play

Хизматлар лицензияланган.

ПРОФНАСТИЛ

ИШЛАБ ЧИҚАРУВЧИ куйидаги маҳсулотларни тақдим этади:
гальванизацияланган ва полимер қопламали
ПРОФИЛАНГАН ЛИСТ
гофраси баландлиги: С-18, С-35
Профнастил учун материал сифатида роллдан кесилган гальванизацияланган ва полимер маҳсулотдан фойдаланилади.
Россия Федерацияси металлургия комбинатларида ишлаб чиқарилган.

ГАЛЬВАНИЗАЦИЯЛАНГАН ПРОФНАСТИЛ
• 0,4 мм. — **38 000** сўм/п.м. • 0,45 мм. — **42 500** сўм/п.м. • 0,7 мм. — **65 500** сўм/п.м.

ПОЛИМЕР ҚОПЛАМАЛИ ПРОФНАСТИЛ
• RAL 3005 0,45 мм. — **48 600** сўм/п.м. • RAL 6005 0,45 мм. — **48 600** сўм/п.м.
• RAL 3005 0,50 мм. — **54 000** сўм/п.м. • RAL 6005 0,50 мм. — **54 000** сўм/п.м.

Қўшимча маълумот учун қуйидаги телефон рақами бўйича мурожаат қилинг: **(+ 998 95) 197-00-93**

Халқ сўзи
Народное слово

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 545. 112 922 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоли келишилган нархда.

Газетамиз ҳақидаги маълумотларни юклаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона (0-371) 233-52-55;

Котибият (0-371) 233-10-28; Эълонлар (0-371) 232-11-15.



Таҳририятга келган қўлашмалар тақриз қилинмайди ва муаллифга қайтарилмайди.
Газетанинг сўзлаб берилиши учун обунали расмийлаштирилган ташкилот жаобгар.
Газета таҳририят компьютер марказида терилди ҳамда оператор Ж. Тоғас томонидан саҳифаланди.
Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул. Босмахона телефони: (0-371) 233-11-07.

• **МАНЗИЛИМИЗ:**
100000,
Тошкент шаҳри,
Матбуотчилар кўчаси, 32-уй.
Навбатчи муҳаррир — **М. Жонионов.**
Навбатчи — **Р. Шеркулов.**
Мушаххис — **С. Исломов.**

«Шарқ» нашриёт-матбаа акциядорлик компанияси босмахонаси. Корхона манзили:
«Буюк Турон» кўчаси, 41. ЎЗА якуни — 23.05 Топширилди — 00.50 1 2 3 4 5 6